



樂善堂全集卷二十三

古體詩

冬夜偶成

人苦冬日短我愛冬夜長皓月懸長空朔風飄
碎霜重簾垂攲踰紅燭明深堂博山炷水沉和
以梅蕊香敲詩不覺冷漏永夜未央
招搖正指北黑帝方司辰三餘饒樂事華屋夜

如春我屋雖如春廣廈安得均因念雪霜裏尚
多僵臥人展轉不能寐閒敲詩句頻曠懷天地
間人我本相因鴻荒始判初有如一家親後來
生蹊徑肥瘠異越秦我願讀書者立達自其身
烏雀集庭樹啞啞叫風冷無食哺其雛羣棲嘆
夜永豈如青田鶴梳雪毛羽整不用稻粱資高
空盤孤影九臯一聲唳聽者發深省

換燭詞

啖啖瓊枝綻紅萼蘭膏四下玉珠落熏爐甲煎
篆煙消將炆幽光暗錦幙寸心不惜盡成灰斜
倚雕闌玉如削玉鏡臺邊新睡起春蘭秋菊皆
相似獨有幽人悟火傳前燈未滅新燈是

弔宋末張陸雙忠

午潮樂作檣旗仆蒼天不遺一塊肉海邊拮据

樂善堂書
卷三
兩孤臣有淚何能向天哭陸公負帝先沉海張
公露祝天心改兩公先後死不同忠肝凜烈干
秋在嗚呼委身事主不兩全竭心成敗斯由天
趙武得生帝昷覆嬰杵當年難獨賢

遣興

陰凝北陸盛魄淵窮次紀感發曉風寒霜花拂
窓紙偶思弄翰墨排籤列十指一字不能作閣

筆且已已因思寒暑易天道固如此暑雨與祁
寒怨咨豈明理况復陽和近轉眼物華美譬彼
養狙公不出三四耳失者何必愁得者何必喜
我願世間人平等觀如是

擬杜工部洗兵馬行

長雲不隱關山月沙漠龍堆多戍卒壯士橫戈
古戰場將軍飲馬長城窟長城水寒馬不嘶刀

樂善堂集卷三
樂善堂集卷三
環入夢多歸思少婦樓頭咽橫笛一聲秋韻臨
秋吹吹笛聲高復聲下驚起匡牀高臥者側身
吟望興咨嗟向天長歌洗兵馬謂天蓋高聽自
卑電光倏忽雷車馳雲師雨伯揚青旗陰昆水
族功並施盆傾瓶注遐邇滋洗盡塵氛永息師
男歸其家婦育兒九州安堵樂雍熙壯士勇力
亦奚爲欲挽天河安用之

凍柳

凍柳臨長隄摧殘歲暮時雪花紛舞絮寒鴉噪
晚枝日照濃陰減枯條僵不垂敝帚掃涼風榮
華安可期行人不能折徘徊當路岐徘徊亦何
爲中心有所思猶憶艷陽天翠地黃金圍

傳聞

傳聞西師秋大捷露布軍中踵相接零星困獸

樂善堂集 卷三十一 四
爭逃生駭走喙息震且懼

皇清赫濯揚聲靈共球萬國均臣妾何來小醜
擾西北此敗驚心定安貼太平有象當偃戈喜
動中心上眉睫男不戎行罷戍歸春風四海咸
和燮天心仁愛定如是但看明年進降牒

冰牀

御河臘月層冰凍河干輻輳千人衆往廻爭欲

倩冰牀空設輿梁恒不用細長明鐵當車輪架
雕文木鋪重茵平湖舟駛不驚浪廣陌車馳那
有塵客來不須勞問渡但向河邊鏡明處隱隱
雷聲聽未休坐中疑向瑤臺去

唐岱千山落照圖

我愛唐生畫屢索意未已昨從街市中購得澄
心紙好趁靜室閒爲我圖山水著墨濃澹間萬

樂善堂集 卷三 五
壑秋風起水亭跨明波磴道延步履斜陽映天
末咫尺有萬里暝對意彌遙煙浮暮山紫位置
倪黃中誰能別彼此

霜天曉渡

小樓枕長溪晨起恣清眺霜風入戶寒月落橫
西照煙際見人行漸近聞犬叫須臾渡口船來
往飛雙棹天涯名利人如夢方未覺何如憑高

閣曠覽資一笑待得朝日升溪邊獨弄釣

帝京歲暮八詠擬樂府并序

四時灰琯知玉律無差九有春臺慶熙
朝樂事十二月之佳景妙筆難描億萬
載之休徵金甌永戴况乎天中旭麗輦
下雲屯漢京兆之樓臺綺疏繡幕朱汴
梁之車馬香霧紅塵萬國共球望金門

而獻歲千方輻輳向玉闕以輸誠暖帶
春風喜椒花之有頌寒辭冬雪堆栢葉
以爲盤韶景麗萬物以蕃鮮猶少蘇家
三首芳辭申八詠而點竄非同王氏七
人雖卽事以興懷遂緣情而綺麗不拘
成律各賦一章

臘八粥

臘月初旬纔八日都人醞釀年華出招提蘭若
結常緣竈下火光然百室黍米棗栗雜胡桃煮
粥朝餐如一律如一律異甘旨貧家不似富家
美華屋雕盤肉侑餐茅簷一碗充腸耳充腸飽
腹却歡然人人爭道新年邇

祭竈

鄉村臘廿四家家祭竈王城中二十三比戶燈

樂善堂集 卷三 十一
燭張傳言輦轂百神聚竈君奏事非荒唐竈君
奏事向何方九天之上有玉皇年年此日竈君
升雲旗龍馬宵翱翔且祝家事莫短長爲乞明
年安且康我聞作善斯降祥竈君直奏職所當
天君自有定賞罰陰氏由來費黃羊

立天燈

金龍護柱長數丈四柱撐如巨靈掌綵燈左右

列丹墀萬壽燈明丹陛上年年臘月二十四縛
架懸燈聲擾攘百夫輦柱齊用力一一都聽銅
鑼響燈上聯書細金字惟乞歲歲登豐穰瑤宮
樂事與民同從識太平真有象

貼門神

家家歲底貼門神門前一望景象春將軍鐵甲
逞威力丞相冠帶容彬彬更換桃符粘福字等

閒惡厲不敢親陳陳相因門板上新神還與舊
神鄰神豈隔年舊習俗尚鮮新只願閭閻躋仁
壽常見期頤百歲人

饋歲

刺繡新驚添幾線團團繡得荷包面就中各盛
金豆兒開匣爭看文采絢亦有文房雜珍玩茗
溪紫穎端溪硯易水松煙黑似漆倭牋蜀紙生

東絹紅橘黃柑與鹿兔渴能生液饑堪噉帝里
豪華固如此三元今日人爭羨試想村中老灌
田此景何緣一聞見

供天地

新年淑氣霽百祥虔供天地通萬邦由來帝里
制更詳中宵華燭紛煒煌屏風設列庭中央盤
堆果實羅酒漿主人前跪燒辦香一年戶口安

且康荷神之德報所當今值除夕歸帝鄉更迎
龍駕錫福長五更曉起未出房迎喜避鶴擇向
方後趨庭院拜玉皇送神爆竹聲硠硠夙興歡
喜謹立旁遙瞻爐煙縹緲光靄靄天門闢九閭

煇歲

地爐然松枝續續煙縷起暖氣滿戶庭煇歲今
宵是豈云借其煖詎爲聞其香但願一家人和

氣致千祥東隣撥新灰西鄰燒硬炭煙熏靄如
霧自夜達明旦明旦天未明三五燦疎星賀年
人畢至喜氣迎新正松枝不用添留爲今年計
彈指又除夕仍復供煇歲

守歲

赴壑修蛇留半尾堂堂去勢誰能止萬戶千門
守歲人守至明朝新歲是今年還是舊年年條

樂善堂文集 卷三
忽更新萬象鮮人生會有百除夕高堂且復列
華筵華筵開處羅老幼家僮歡喜忙奔走屠蘇
透飲亞元正少者在前長者後出門看天斗指
寅由來一夕變冬春書傭總是爲書役繞架更
復呼長恩

讀陶詩

風雅久失墜三百無人繼斯文蘇李徒權輿成

五字子建嗣其音清辭發幽思卓哉彭澤翁別
擅此能事自然無安排一以道已意至味寓澹
泊字句絕詭異寄情五柳間瀟灑標逸致我今
讀公詩數過不能置擬學眉山叟和咏良匪易

春水泛舟

新流滑笏如油綠柳帶迴溪曲復曲輕舸載我
逍遙遊滿眼韶光看不足水清魚靜舟子閒獨

下青天白鷗浴

尋春見山桃始開

尋春在何處乃在山之陽曉風吹料峭著體如
沾霜遠甸草未綠長堤柳漸黃乍見山桃樹參
錯吐花房露顆裊幽馨日暄淡素粧呼僮折一
枝歸插膽瓶香猶憶去年時九十惜韶光轉眼
春又到此意渾欲忘女夷回造化遲遲日正長

煙郊道中

已過潞河城猶是潞河境春風拂征鞍夕陽散
林影山河似舊識煙火富萬井憶我五年前此
路曾馳騁重來將祀事總是叨

恩幸去去望

行宮晚嵐逼身冷謾言客途勞中心止水靜

曉起聞雀聲

樂善堂集 卷三 詩
簷牙凍雀侵晨語似喚春眼覺行旅昨朝小園
花正開不見飛向枝頭來今日寒郊草未綠却
自成羣上林木曉寒喉澁不成聲何如且在林
中伏

馬上吟詩好

馬上吟詩好卽景堪驅用途長詩思長不復畏
炎凍憶在書齋裏一作和者衆雖云足賞識轉

覺苦吟弄何似自歌吟却去安排重亦有從行
者且喜不成誦我得此中味願與識者共莫學
東坡老但欲續殘夢

所見

東皇廻星輶和氣遍六宇應候百昌蘇默默春
風鼓皇州景物饒廣麗洵天府臨風跨紫騮緩
轡過郊墅壟上事春耕停馬問田父小立汗不

樂善堂全集 卷三
乾向我情畢吐去年冬不雪今年春未雨野老
望雲心此意良辛苦清晨負鋤出努力向日午
畝耕次第完下苗何日舉我聞田父言仰望默
不語天心本仁愛自有元功補甘霖應在卽如
膏潤沃上佇俟西成時萬戶倉箱貯

明月當三五流影遍萬方萬方同一照所在分
輝光昨夜出東林映我讀書堂今宵行帳宿亦
復明煌煌人處境地異月不改其常古來賢達
者用貴物我忘

清明重拜掃貴賤良俱然彌望村郊中士女車
馬闐富室羅祭品高堆白紙錢貧者伏路旁空
餘涕淚漣生有榮辱爭沒後迺甚焉何人能解
此便是無爲仙試看古墓道亦復犁爲田

我從御園來天桃花半放路過桃花寺遙從山

樂善堂集
卷三
底望未見一枝開
春風疑兩樣
春風固如常
前後亦須讓

曉陰

曉看西北雲峰起
奴僕蹙眉主人喜
僕言長路多跋涉
雨積塗泥艱步履
爰命來前聽我言
若輩徒知自爲爾
不見辛苦三農望
歲餘此日方資插秧水

過通州浮橋

煙郊濛濛多白沙
晨行更值寒風加
馬蹄躑躅不能進
回頭迷眩眼欲花
却到潞河風日靜
浮橋橫卧波中影
南望飛鳧接遠汀
何似江鄉呼舴舨

灌麥

大麥五寸長
小麥三寸半
地乾苗欲枯
離披隴

樂善堂全集 卷三十一
五
畝畔猶幸灌溉便近傍河之岸清晨課僮僕
輶轉雙腕初看土濕濕漸覺流漫漫須臾苗盡
起生意良可玩爾僕聽我言莫怨體流汗不見
萬頃田農夫徧澆灌

梨花

寒芳濕露晨靚粧麗春暮簾捲珊瑚鈎滿庭鎖
香霧

素蕊含香姿溶溶夜月時送春花事晚幾片點
人衣
萼含荔子丹英霏瓊雪白寂寞暮春天獨對高
吟客

讀范文正公神道碑用宋陳傅良原詠韵
入夏南風薰花木圍我廬我廬何所有挿架古
人書希文古大臣不與伊葛殊特達圭璋器心

樂善堂集 卷三
跡天日如今讀神道碑更識爲名儒中庸賴公
顯程朱繼其餘廟堂而江湖憂樂與民俱天章
十條陳忠懇豈區區仁宗稱賢主郅理亦可期
參政僅九月不及大有爲徒令范老子聲名播
荒陲

鳩喚雨

我聞鳩喚雨又聞雀呼晴邇來鳩雀爭相鳴勞

勞對語頻入聽窓前柳色正深綠芳郊未雨遲
春耕小雀得意叫不止嗟爾鳩兮胡不靈

玉帶生歌

玉帶生端人也事文丞相爲文墨賓

神工踏雲割寒玉追追琢琢虬盤綠曾爲信國
席上珍墨瀋猶疑血淚哭樂作午潮事已非玉
帶生從信國歸海濱戰衄門生散玉帶生爲信

國伴嗟爾玉帶生我獨歎爾卓爾皓潔胡爲乎
却笑褚淵犬不如

雨工

柳毅見涇川婦人牧羊問之曰此非羊
雨工也蓋雷霆之類毅回視之矯顧怒
步飲齧自異見異聞錄

碧潭潭底開珠戶烏龍晝卧當瓊樹神女割雲

補錦裳聞却雨工睡元圃天上人間隔夜晨一
朝還過九十春何日鞭渠令行雨大慰田間望
歲人

陶琴

壁上掛何物亦被琴之名猶然徽軫具而無疏
越聲古來多寶器亡失糞土輕茲琴存十一特
以陶公稱伯牙彈不得穎師奏難成人皆指上

覓我獨虛中聽有絃絃有止無絃絃外鳴不獨
學彭澤自取琴中情

蠅拂子

驅牛不可驅蠅可玉絲霜縷垂婀娜華筵六月
風日炎獨將瀟灑登君坐濯濯鬢毛潔且脩閒
供揮拂隨右左王謝家風何足云愛渠亦復周
旋我

藺相如

和氏匣中一匣水十五金城持易此城不歸趙
璧亦歸狼虎強秦亦披靡嗟乎人寶玉寶豈可
同年語相如自知趙二虎秦廷斲藺趙如何和
璧雖歸藏外府君不見鴻門玉斗應劍碎子房
依舊逡巡退

扇頭墨竹

誰將白扇子橫掃墨竹態翠影生冷光勁幹疎
不礙莫從枝葉求妙意寫清快高堂靜後揮瑟
瑟起輕籟此扇乃竹爲辭林遭雕碎便面原非
竹琅玕長不壞果否還是一賓主應須會而我
竟何因尚此償詩債

繰絲曲

吳天風軟春光暮吳蠶三眠絲欲吐日上茅檐

火馭遲白絮紅塵夾兩路中婦晨起中心忙乾
桐曉炊付阿香繰車軋軋轉幽澀一年衣食憑
繭腸釜中絲斷愁不斷良人戍遠交河畔

桐乳

孤桐森百尺春暮葉萋萋桐花猶未發滴乳已
淋漓愧非朝陽質亦感雨露私小園多鳥雀就
乳巢其兒一巢養五子學語嗚咿咿長成羣飛

去那顧梧桐枝桐枝好棲止彼鳥安能知仰望
高岡上集鳳呈嘉禧

北風圖

我聞古人精藝事繪月有色水有聲更聞繪風
殊妙手庭中六月常清冷筆法墨法超象外逸
氣獨擅箕星精天中候屆遲朱明暑風拂拂翻
可憎陶令北窓不知快列子御行我未能安得

劉裒北風圖懸我高堂之素屏圖豈有風作卧
對能移情我今靜觀圖便掛滿堂覺有清風生

冰碗

浮瓜沉李堆冰盤晶光雜映琉璃丸解衣廣廈
正盤礴冷彩直射雙眸寒雪羅霜簟翩翩坐
中似有冰壺仙冰壺仙人浮邱子朝別瑤宮午
至此古人點石能成金吾今化冰將作水

樂善堂全集卷二十三

Faint vertical text, likely bleed-through from the reverse side of the page.



